



St.prp. nr. 75

(2005–2006)

Om endringar i «Regulativ for tillegg mv. til utskrivne vernepliktige mannskap»

*Tilråding frå Forsvarsdepartementet av 2. juni 2006,
godkjend i statsråd same dagen.
(Regjeringa Stoltenberg II)*

1 Innleiing

I denne proposisjonen legg Forsvarsdepartementet fram forslag om regulering av primærgodtgjersler for utskrivne vernepliktige mannskap frå 1. juli 2006. Under punkt 8 gjer departementet greie for ordninga med vernepliktig akademisk befall.

2 Samandrag og tilrådingar

Forslaget til regulering er basert på ei tilråding til lønsoppgjær mellom staten og LO-Stat, Yrkesorganisasjonenes Sentralforbund-Stat og Unio. Med grunnlag i lønsoppgjæret for statstilsette blir primærgodtgjersler til vernepliktig mannskap tilrådd auka med 4,5 % frå 1. juli 2006.

Meirutgiftene for 2006 er utrekna til 12,503 million kroner.

3 Bakgrunn

Gjennom ei rekkje år har dei økonomiske ytingane til soldatane blitt regulert med basis i lønsoppgjæret for tilsette i staten. Forsvarsdepartementet har dei seinare åra, i tråd med synet til forsvarskomiteen, lagt til grunn den reguleringa som blir gitt i lågaste lønstrinn for vaksen, ufaglært arbeidskraft.

Det tilrådde lønsoppgjæret for statstilsette i lønsramme 1, alternativ 1 gav som resultat ei auke med 4,5 % med verknad frå 1. mai 2005.

4 Vurderingar

Dei årlege reguleringane med basis i lønsoppgjæret sikrar dei vernepliktige ein rimeleg god levestandard. Departementet meiner det er naturleg og rimeleg at det i år blir gitt ei regulering som for lågaste begynnarløn for vaksen, ufaglært arbeidskraft i staten. Etter ei samla vurdering er Forsvarsdepartementet kome fram til at dei vernepliktige bør få ei regulering på avrunda 4,5 % med verknad frå 1. juli 2006.

5 Regulering av satsane

Forslaget inneber følgjande regulering av satsane frå 1. juli 2006:

Tenestetillegg frå kr 120,90 til kr 126,00 pr dag

Korporalstillegg frå kr 15,35 til kr 16,00 pr dag

Kompensasjonstillegg

frå kr 237,00 til kr 247,50 pr dag

Ektefellellegg

frå kr 3 231,00 til kr 3 375,00 pr månad

Barnetillegg, fyrste barn

frå kr 3 669,00 til kr 3 834,00 pr månad

Barnetillegg, øvrige barn	
frå kr 1 515,00	til kr 1 581,00 pr måned
Dimisjongsgodtgjersle 12 måneder teneste	
frå kr 20 000	til kr 20 900
Utdanningsbonus	
frå kr 8007	til kr 8 367

6 Samla utrekning av utgiftene

Meirutgiftene som følgje av forslaget er utrekna til 12,503 millioner kroner for 2006 etter følgjande fordeling:

Auke av tenestetillegg og korporalstillegg	8,303 mill kroner
Auke av kompensasjonstillegg	0,125 mill kroner
Auke av forsørgjartillegg	0,308 mill kroner
Auke av dimsjongsgodtgjersle	3,711 mill kroner
Auke av utdanningsbonus	0,056 mill kroner

7 Verknad for siviltenesta

Regulativendringar for militære vernepliktige mannskap utløyser tilsvarande verknad for dei sivile vernepliktige. Dette følgjer av militærnekterlova § 18. Meirkostnadane for siviltenesteforvaltninga for andre halvåret 2006 er utrekna til 1,050 mill. kr.

8 Gjennomgang av systemet for godtgjersle for vernepliktige og ordninga med vernepliktig akademisk befal (VAB)

I St. prp. nr. 1 (2005–2006) opplyste departementet at ein ville se nærare på systemet for godtgjersle for dei vernepliktige og ordninga med vernepliktig akademisk befal (VAB-ordninga) i lys av utviklinga i Forsvaret og i samfunnet elles.

VAB-ordninga er etablert for å utdanne vernepliktig mannskap i viktige kategoriar til krigsoppsetningane og VAB skal derfor ikkje primært dekkje behov i fredsorganisasjonen. Ei utviding av

ordninga med VAB er vurdert med føresetnad om at dei kategoriane som skal vurderast innført er knytt til mobiliseringsstillingar i krigsstrukturen.

Styrkeprodusentane er rådført om ei utviding av ordninga. Tilbakemeldinga er at det ikkje synest å vere behov for ei utviding. Departementet har, etter tilråding frå Forsvarsstaben, vedteke at det ikkje er aktuelt å utvide ordninga med vernepliktig akademisk befal no, men at ordninga med VAB må utreiast ytterlegare.

Godtgjersle for vernepliktig akademisk befal

I samband med handsaminga av St. prp. nr. 1 (1997–1998) blei det vedteke at vernepliktig akademisk befal frå 1. januar 1998 skulle få løn svarande til lønstrinn 20 i A-tabellen (krigsskole 2 nivå).

VAB blei innplassert med 8 års lønsansiennitet og er som følgje av dette lønna tilsvarande LR 36 alt. I, pt ltr 29 for løytnantar og i LR 37, alt. 3, pt ltr 34 for VAB i kapteinsstillingar. At VAB ikkje får utteljing i samband med lokale forhandlingar og i justeringsoppgjeret, har gitt til resultat ein lågare lønsvekst enn andre grupper som det kan vere naturleg å samanlikna med. Vernepliktige mannskap, som får ei årleg regulering med basis i lønsoppgjeret, har hatt ei gunstig (lønsmessig) utvikling, som følgje av regulering svarande til lågtlønsgruppene.

På bakgrunn av dette, og av omsyn til legesituasjonen i Forsvaret generelt og behovet for rekruttering spesielt, finn departementet det ønskjeleg å oppjustere løna for VAB med løytnants grad til LR 36 alt. 8, ltr 36 og til LR 37 alt. 8 ltr 40 for VAB med kapteins grad.

Forsvarsdepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om endringer i «Regulativ for tillegg mv. til utskrivne vernepliktige mannskap».

Vi HARALD, Noregs Konge,

s t a d f e s t e r :

Stortinget blir bedt om å gjere vedtak om endring i «Regulativ for tillegg mv. til utskrivne vernepliktige mannskap» i samsvar med eit vedlagt forslag.

Forslag

til vedtak om endringer i «Regulativ for tillegg mv. til utskrivne vernepliktige mannskap»

I

I statsbudsjettet for 2006 blir det gjort følgende endringer:

Utgifter:

Kap	Post	Kroner
450	Sivile vernepliktige	
	01 Driftsutgifter blir auka med frå kr 104 274 000 til kr 105 324 000	1 050 000
1720	Felles leing og kommandoapparat	
	01 Driftsutgifter blir auka med frå kr 2 163 505 000 til kr 2 163 640 000	135 000
1725	Fellesinstitusjoner og – utgifter under FST	
	01 Driftsutgifter blir auka med frå kr 1 941 506 000 til kr 1 942 140 000	634 000
1731	Hæren	
	01 Driftsutgifter blir auka med frå kr 3 731 859 000 til kr 3 737 104 000	5 245 000
1732	Sjøforsvaret	
	01 Driftsutgifter blir auka med frå kr 2 624 727 000 til kr 2 626 495 000	1 768 000
1733	Luftforsvaret	
	01 Driftsutgifter blir auka med frå kr 3 398 168 000 til kr 3 399 161 000	993 000
1734	Heimevernet	
	01 Driftsutgifter blir auka med frå kr 1 080 979 000 til kr 1 082 300 000	1 321 000
1740	Forsvarets logistikkorganisasjon	
	01 Driftsutgifter blir auka med frå kr 2 033 827 000 til kr 2 035 840 000	2 013 000
1790	Kystvakten	
	01 Driftsutgifter blir auka med frå kr 774 744 000 til kr 775 138 000	394 000



Grafisk produksjon: PDC Tangen a.s